



唐駕部侍郎知制誥中書舍人韓君平詩集目錄

五言古

令狐員外宅宴寄

褚主簿宅會畢

送李明府赴滑州

送李司直赴江西

祭嶽回重贈孟都督

送南少府歸壽春

贈別崔司直赴江東

七言古

送客之江寧

送山陰姚丞

和高平朱參軍

贈別成明府赴

送孫潑赴雲中

送客還江東

送夏侯侍郎

送李湜下第歸衛州

張山人草堂

送修縣劉主簿楚

題玉山觀

贈別上元主簿張著

別汜水縣尉

別李明府

送中兄典邵州

送萬巨

送巴州楊使君

送王侍御赴江西

寄雍丘竇明府

贈兗州孟都督

留別孟都督

送別鄭明府

贈別王侍御赴上都

贈別太常李博士

寄哥舒僕射

贈別華陰道士

送崔秀才赴上元

五言律

贈別韋兵曹歸池州

寄武陵李少府

贈張建

送監軍李判官

送客歸廣平

送張儋木路歸北海

送故人歸魯

送故人歸蜀

酬程延秋夜卽事

送郭贊府歸淮南

題龍興寺澹師房

送客遊江南

送高員外赴淄青

尋胡處士不遇

贈張道者

題蘇許公林亭

送元詵還江東

送客遊江南

送海州姚別駕

送夏侯審

送趙評事赴洪州

送李侍御赴徐州

送李秀才歸江南

題僧房

送壽州陳錄事

送趙陸司兵歸使幕

送蔣員外端公

題慈仁寺竹院

贈鄆州馬使君

送張丞歸使幕

贈長洲何主簿

送崔過歸淄青

田倉曹東亭

贈王逖

送深州吳司馬

華亭夜宴庾侍御宅

送客之上谷

同中書劉舍人

宴吳王宅

題薦福寺

送戴迪赴鳳翔幕府

送郢州郎使君

送李中丞赴辰州

送劉侍御赴陝州

李中丞宅夜宴

送李侍御歸宣州

東城水亭宴李侍御

送祕書謝監赴江西

送江陵元司錄

送李舍人

送劉侍御

送蘇州姚長史

送金華王明府

送田舍曹汴州觀省

送張渚赴越州

奉和元相公家園

送道士姪歸池陽

送營城李少府

魯中送魯使君

送夏侯校書歸上都

送李明府赴連州

送盧大理趙侍御

送皇甫大夫赴浙東

送韋秀才

五言排律

家兄自山南罷歸

寄贈號州張參軍

奉送王相公赴幽州

送李中丞赴商州

七言律

送客一歸襄陽

送故人赴江陵

送客水路歸陝

送丹陽劉太真

送客歸江州

題張逸人園林

送劉將軍

送鄭員外

題張逸人園林

寄徐州鄭使君

送襄垣王君歸南陽

送王誕渤海使

送王少府歸杭州

贈王隨

題仙遊觀

訪王起居不遇留贈

送劉評事赴廣州

送冷朝陽還上元

送高別駕歸汴州

送康洗馬歸滑州

寄上田僕射

送王光輔歸青州

宴楊駙馬山池

送長史李少府入蜀

送端州馮使君

送王府張參軍

送齊明府赴東陽

魯中送從事

送李明府使蘇州

送田明府歸終南

五言絕句

漢宮曲二首

陪孟都督祭嶽

六言

宿甌山

別甌山

送陳明府赴淮南

七言絕句

送客知鄂州

寒食

羽林騎

看雕馬

寄贈衡州楊使君

宿石邑山中

江南曲

贈張千牛

漢宮曲

贈李翼

漢宮曲

少年行

題玉真觀李祕書院

送客之潞府

送客泛五溪

送齊山人

寄裴鄆州

雜言

河上寄故人

唐駕部侍郎知制誥中書舍人韓君平詩集

五言古

令狐員外宅宴寄中丞

寒色凝羅幕同人清夜期玉盃留醉處銀燭送歸時獨坐隔千里空吟對雪詩

褚王簿宅會畢庶子餞員外郎使君

開甕臘酒熟主人賞同斜陽疎竹上殘雪亂天中更喜宣城印朝廷與謝公

送李明府赴滑州

渭城寒食罷送客歸遠道烏帽背斜暉青驪踏春
草酒醒孤燭夜衣冷千山早去事沈尚書應憐詞
賦好

送李司直赴江西使幕

歛板辭漢廷進帆歸楚幕三江城上轉九里人家
泊好酒近宜城能詩謝康樂雨晴山西樹日出南
昌郭竹露點衣巾湖烟濕扇鑰主人蒼玉佩後騎
黃金絡高祝領八州相期同一鶚行當報知己從
此飛寥廓

祭嶽回重贈孟都督

封作天齊王清祠太山下魯公秋賽畢曉日回高
駕從騎盡幽并同人皆沈謝自矜文武足一醉寒
溪夜

送南少府歸壽春

人言壽春遠此去先秋到孤客小翼舟諸生高翅
帽淮風生竹簟楚雨移茶竈若上八公山題詩一
相報

贈別崔司直赴江東兼簡常州獨孤使君

愛君青袍色芳草能相似官重法家流名高墨曹
吏春衣淮上宿美酒江邊醉楚酪沃雕胡湘羹糝
香餌前朝山水國舊日風流地蘇山逐青驄江家
驅白鼻右軍尚少年三領東方騎亦過小丹陽應
知百城貴

七言古

送客之江寧

春流送客不應賒南入徐州見柳花朱雀橋邊看
淮水烏衣巷裏問王家千閭萬井無多事闔戶開
門向山翠楚雲朝下石頭城江鷺雙飛瓦棺寺吳
士風流甚可親相逢嘉賞日應新從來此地夸羊
酪自有尊羹定卻人

送山陰姚丞攜妓之任兼寄山陰蘇少府

東風香草路南客心容與白晷吳王孫青娥柳安
女都門數騎出河口片帆舉夜篔簹眠橘洲春衫傍
楓嶼山陰政簡甚從容到罷唯求物外蹤落日花
邊剡溪水晴烟竹裏會稽峯才子風流蘇伯玉同
官曉暮應相逐加餐共愛鱸魚肥醒酒仍憐甘蔗

熟知君鍊思本清新。季子如今德有鄰。他日如尋
始寧墅。題詩早晚寄西人。

和高平朱參軍思歸作

髯參軍髯參軍身爲北州吏。心寄東山雲。坐見萋
萋芳草綠。遙思往日晴江曲。刺船頻向剡中回。捧
被曾過越人宿。花裏鶯啼白日高。春樓把酒送車
螯。狂歌好愛陶彭澤。佳句唯稱謝法曹。平生樂事
多如此。忍爲浮名隔千里。一鴈南飛動客心。思歸
何待秋風起。

贈別成明府赴劔南

朝爲三室印。晚爲三蜀人。遙知下車日。正及巴山
春。縣道橘花裏。驛流江水濱。公門輒無事。賞地能
相親。解衣初醉綠芳夕。應採蹲鴟薦。佳客霽光遠。
映西川。時閒望碧鷄飛古祠。愛君樂事佳。興發天
外銅梁多夢思。

送孫潑赴雲中

黃驄少年舞雙戟。目視旁人皆辟易。百戰能誇隴
上兒。一身復作雲中客。寒風動地氣蒼茫。橫吟先

悲出塞長敲石軍中傳夜火斧冰河畔汲朝漿前
鋒直指陰山外虜騎紛紛膽應碎匈奴破盡看
歸金印酬功如斗大

送客還江東

還家不落春風後數日應沾越人酒池畔花深鬪
鴨欄橋邊雨洗藏鴉柳遙憐內舍着新衣復向鄰
家醉落暉把手閒歌香橘下空山一望鷓鴣飛

送夏侯侍郎

元戎車右早飛聲御史府中新正名翰墨已齊鐘

大理風流好繼謝宣城從軍曉別龍驤幕六騎先
驅嘶近郭前路應留白玉臺行人輒美黃金絡使
君下馬愛瀛洲簡貴將求物外遊聽訟不聞烏布
帳迎賓暫着紫綈裘公庭日夕羅山翠功遂心閒
無一事移書或問島邊人立仗時呼鈴下吏事業
初傳小夏侯中年劔笏在西州浮雲飛鳥兩相忘
他日依依城上樓

送李湜下第歸衛州便遊河北

莫嗟太常屈便入蘇門嘯道在應未遲勿作我身

料輕雲日下不成陰出對流芳攪別心萬雉城東
春水闊千人鄉北晚花深舊竹青青常遶宅到時
踈曠應自適佳期縱得上宮遊旅食還爲北邙客
路出司州勝景長西山翠色帶清漳仙人磯近菜
萸澗銅雀臺臨野馬岡屢道主人多愛土何辭策
馬千餘里高譚魏國訪先生修刺平原過內史一
舉青雲在早秋恐君從此便淹留有錢莫向河間
用載筆須來闕下遊

張山人草堂會王方士

嶼花晚山日長蕙帶麻襦食草堂一片水光飛入
戶千竿竹影亂登墻園梅熟家醞香新濕頭巾不
復簪相看醉倒臥藜牀

送修縣劉主簿楚

起家得事平原侯晚出都門辭舊遊草色連綿幾
千里青驪蹀躞路旁子花深近縣宿河陽竹映春
舟渡淇水鄴下淹留佳賞新群公舊日心相親金
盤曉鱸朱衣鮒玉篔簹宵迎翠羽人王程書使前期
促他日應知舉鞭速寒水浮瓜五月時把君香袖

長河曲

題玉山觀禪師蘭若

玉山宴坐移年月，錫杖承恩詣丹闕。先朝親與會
龍華，紫禁鳴鍾白日斜。宮女焚香把經卷，天人就
席禮袈裟。禪牀久卧虎，溪水蘭若初聞鳳。城裏不
出囂塵見遠公，道成何必青蓮宮。朝持藥鉢千家
近，暮倚繩牀一室空。掖垣揮翰君稱美，遠客陪遊
問真理。薄宦深知誤此心，回心願學雷居士。

贈別上元王簿張著

上書一見平津侯，劔笏斜齊秣陵尉。朝垂綬帶迎
遠客，暮鎖印囊呼上吏。長樂花深萬井時，同官無
事有歸期。回船對酒三生渚，繫馬焚香五願祠。日
日澄江帶山翠，綠芳都在經過地。行人看射領軍
堂，遊女題詩光宅寺。風流才調愛君偏，此別相逢
定幾年。惆悵浮雲迷遠道，張侯樓上月娟娟。

別汜水縣尉

未央宮殿金開鑰，詔引賢良卷珠箔。花間賜食近
丹墀，烟裏揮毫對青閣。萬年枝影轉斜光，三道先

君平
成君激昂谷永直言身不顧郊詵高地轉名香綠
槐陰陰出關道上有蟬聲下秋草奴子平頭駿馬
肥少年白晷登王畿五侯客舍偏留宿一縣人家
爭看歸南向千峯北臨水佳期賞地應窮此賦詩
或送鄭行人舉酒常陪魏公子自憐寂寞會君稀
猶看前時博士衣我欲低眉問知己若將無用廢
東歸

別李明府

寵光五世腰青組出入珠官引簫鼓醉舞雄王玳
瑁牀嬌嘶駿馬珊瑚柱胡兒夾鼓越婢隨行捧玉
盤嘗荔枝羅山道士請人送林邑使臣調象騎愛
君一身遊上國闕下名公如舊識萬里初懷印綬
歸湘江過盡嶺花飛五侯焦石烹江筍千戶沉香
染客衣別後想君難可見蒼梧雲裏空山縣漢苑
芳菲入夏蘭待君障日蒲葵扇

送中兄典邵州

官騎連西向楚雲朱軒出餞畫紛紛百城兼領安
南國雙筆遙揮左君一路諸侯爭館穀洪池高

會荆臺曲玉顏送酒銅鞮歌金管留人石頭宿北
鴈初回江燕飛南湖春暖着春衣湘君祠對空山
掩漁父焚香日暮歸百事無留到官後重門寂寂
垂高柳零陵過贈石香溪洞口人來飲醇酒登樓
暮結邵陽情萬里蒼波烟靄生他日新詩應見報
還如宣遠在安城

送萬巨

漢相見王陵揚州事張禹風帆木蘭曳水國蓮花
府百丈清江十月天寒城鼓角曉鍾前金鑪促膝

諸曹夷玉管繁聲美少年有時過向長干地遠對
湖光近山翠好逢南苑看人歸也向西池留客醉
踈柳垂烟橘帶霜朝游石渚暮橫塘紅牋色奪風
流座白紵詞傾翰墨塲夫子前年入朝後高名籍
籍時賢口共憐詩興轉新清繼遠家聲在此身屈
指待爲青鎖客回頭莫羨白亭人

送巴州楊使君

白雲縣北千山口青歲欲開殘雪後前驅錦帶魚
皮鞮側佩金璋虎頭綬南鄭侯家醉落暉東關陌

上着鞭歸愁看野馬隨官騎笑取秦人帶客旗使
者下車憂疾苦家吏銷聲出公府萬里歌鍾相慶
時巴童聲節渝兒舞

送王侍御赴江西兼寄李袁州

中朝理章服南國隨旌旆臘酒湘城隅春衣楚江
水垂簾白角簟下筋鱸魚鱠雄筆佐名公虛舟應
時輩按俗承流幾路清平明山靄春江雲湓城詩
贈魚司馬汝水人逢王右軍綠蘋白芷遙相引孤
興幽尋知不近井上銅人行見無湖中石燕飛應
迎君日雨霽烟開玉女岡

寄雍丘竇明府

盡禮門前直事郎腰垂青綬領宜陽花間五馬
少年結綬騁金羈許下如看瓊樹枝入里親過朗
陵伯出門高視潁川兒西遊太府東乘傳泗上諸
侯誰不羨時輩寧將白筆期高流竚向丹青見何
事翻飛不及群虎班突騎來紛紛吳江垂釣楚山
醉身寄滄波心白雲中歲湖塵靜如掃一官又罷
行將老薛公薦士得君初領黃金千室餘機盡

獨親沙上鳥家貧唯愛釜中魚

出重門烟樹裏感物吟詩對暮天
懷人倚杖臨秋水別離幾日問前期
鳴鴈亭邊人去時獨坐不堪朝與夕
高風蕭索亂蟬悲

贈兖州孟都督

少年親事冠軍侯中歲仍遷北兖州
露冕寧誇漢車服下帷常討魯春秋
後齋草色連高閣事簡人稀獨行樂
閒心近掩陶使君詩興遙齊謝康樂
遠山重疊水逶迤落日東城閒望時
不見雙親辨豐膳能留五馬盡佳期
北塲爭轉黃金勒愛客華亭賞秋色
卷簾滿地鋪氍毹吹角鳴絃開玉壺
願學平原十日飲此時不忍歌驪駒

留別孟都督

平蕪霽色寒城下美酒百壺爭勸把
連呼寶劔銳頭兒少駐金羈大頭馬
一飲留歡分有餘寸心懷思復何如
他時相憶如相問青鎖門前開素書

送別鄭明府

長頭大鼻髯如雪早歲連兵劔鋒折
千金盡去無

君平
斗儲雙袖破來空百結獨戀郊扉已十春高陽酒
徒連此身路傍誰識鄭公子谷口應知漢逸人兒
女相悲操井臼前功豈在他人後勸君不得學淵
明且策驢車辭五柳

贈別王侍御赴上都

翩翩馬上郎執簡佩銀章西向洛陽歸鄴杜回頭
結念蓮花府朝辭芳草萬歲街暮宿春山一泉塢
青青樹色傍行衣乳燕流鶯相間飛遠過三峰臨
八水幽尋佳賞偏如此殘花片片細柳風落日踈
鍾小槐雨相思掩泣復何如公子門前人漸踈幸
有心期當小暑葛衣紗帽望回車

贈別太常李博士兼寄兩省舊遊

兩年戴武弁趨侍明光殿一朝簪惠文客事信陵
君簡異當朝執香非寓直薰差肩何記室攜手李
將軍玉鐙初回酸棗館金鈿正舞石榴裙忽驚萬
事隨流水不見雙旌逐塞雲感舊撫心多寂寂與
君相遇頭初白暫誇五首軍中詩還憶萬年枝下
客昨日留歡今送歸空披秋水映斜暉閒吟佳句

對孤鶴惆悵寒霜落葉稀

寄哥舒僕射

萬里長城家一生唯報國腰垂紫文綬手控黃金
勒高視黑頭翁遙吞白騎賊光摩牙門將轉關黃
河北帳下親兵皆少年錦衣承日繡行纏轆轤寶
劍初出鞘宛轉角弓初上弦步人抽箭大如笛前
把兩矛後雙戟左盤右射紅塵中鶻入鴉群有誰
敵殺將破軍白日餘回船舞旆北風初郡公循鼻
好磨墨走馬爲君飛羽書

贈別華陰道士

紫府先生舊同舍腰垂彤管貯靈藥恥論方士小
還丹好飲仙人太玄酪芙蓉山頂玉池西一室平
臨萬仞溪晝灑瑤臺五雲濕夜行金燭七星齊回
身暫下青冥裏方外相尋有知己賣鮓市中何許
人釣魚坐上誰家子青青百草雲臺春烟駕霓衣
白角巾露葉獨歸仙掌去回風片雨謝時人

送崔秀才赴上元兼省叔父

寒塘飲暮雪臘鼓迎春早疋馬五城人重裘千里

道淮山輕露濕江樹狂風掃楚縣九醞醲揚州白
花好練湖東望接雲陽女市西遊入建康行樂遠
誇紅布旆風流近睹紫香囊詩家行輩如君少極
目苦心懷謝眺烟開日上版橋南吳岫青青出林
表

五言律

贈別韋兵曹歸池州

南陵八月暮天色遠峯前楚竹青陽路吳江赤馬
船籬金諸客貴佩玉主人賢終日應相逐歸期定

幾年

寄武陵李少府

小縣春山口公孫吏隱時楚歌催晚醉蠻語入新
詩桂水遙相憶桃源暗有期郢門千里外莫恠尺
書遲

贈張建

結客平陵下當年倚俠遊看鞭轡劔醉脫驕驍
裘翠羽雙鬟妾珠簾百尺樓春風坐相待晚日莫
淹留

送監軍李判官

上客佩雙劍，東城喜再遊。
舊從張博望，新事鄭長秋。
踏水回金勒，看風試錦裘。
知君不久住，漢將掃旄頭。

送客歸廣平

家在趙邯鄲，歸心輒自歡。
晚杯狐腋暖，春雪馬毛寒。
孟月途中破，輕冰水上殘。
到時楊柳色，奈向故園看。

送張儋水路歸北海

千里東歸客，孤心憶舊遊。
片帆依白水，高枕卧青州。
栢宿寒蕪變，梧臺宿水收。
知君心與遠，每上海邊樓。

送故人歸魯

魯客多歸興，居人悵別情。
雨餘衫袖冷，風急馬蹄輕。
秋草靈光殿，寒雲曲阜城。
知君親覲後，少婦下機迎。

送故人歸蜀

一騎西南遠，翩翩入劍門。
客衣筒布潤，山舍荔枝

繁古廟祠金馬春江釣白龜自應成旅逸愛客有
王孫

酬程延秋夜卽事見贈

長簾迎風早空城澹月華星河秋一鴈碓杵夜千
家節候看應晚心期卧亦賒向來吟秀句不覺已
鳴鴉

送郭贊府歸淮南

駿馬淮南客歸時引望新江聲六合暮楚色萬家
春白苧歌西曲黃苞寄北人不知心賞後早晚從

行塵

題龍興寺澹師房

雙林彼上人詩興轉相親竹裏經聲晚門前山色
春卷簾苔點淨下筋藥苗新記取無生理歸來問
此身

送客遊江南

南使孤帆遠東風任意吹楚雲殊不斷江鳥暫相
隨月淨鴛鴦水春生荳蔻枝賞稱佳麗地君去莫
應知

送高員外赴淄青使幕

遠水流春色。回風送落暉。人趨雙節近。馬過百花歸。山驛嘗官酒。關城度客衣。從來赤管筆。提向幕中稀。

尋胡處士不遇

到來心自足。不見亦相親。說法思居士。忘機憶丈人。微風吹藥案。晴日照茶巾。幽興殊未盡。東城飛暮塵。

贈張道者

採藥三山罷。乘風五日歸。剪荷成舊屋。剉藥染新衣。玉粒指應久。丹砂驗不微。坐看青節引。更與白雲飛。

題蘇許公林亭

平津東閣在別是竹林期。萬葉秋聲裏。千家落照時。門隨深巷靜。牕過遠鍾遲。客舍苔生處。依依又賦詩。

送元詵還江東

過江秋色在詩興。與歸心客路隨。楓岸家人掃橘

林潮聲當晝起山翠近南深幾日華陽洞寒光引
獨尋

送客遊江南

桂水隨去遠賞心知有餘衣香楚山橋手鱸湘波
魚芳芷不共把浮雲悵離居遙想泪羅上吊屈秋
風初

送海州姚別駕

少年爲長史東去事諸侯坐覺千閭靜閒隨五馬
遊行人楚國道暮雪鬱林州他日知相憶春風海

上樓

送夏侯審

謝公鄰里在日夕望佳期春水人歸後東田花盡
時下樓閒待月行樂笑題詩他日吳中路千山入
夢思

送趙評事赴洪州使幕

孤舟行遠近一路過湘東官屬張廷尉身隨杜幼
公山河映湘竹水驛帶青楓萬里思君處秋江夜
雨中

送李侍御赴徐州行營

少年兼柱史東至舊徐州遠屬平津閣前驅博望
侯向營淮月滿吹角楚天秋客夢依依處寒山對
白樓

送李秀才歸江南

過淮芳草歇千里又東歸野水吳山出家村越鳥
飛荷香隨去棹梅雨點行衣無數蒼江客如君達
者稀

題僧房

披衣聞客至關鎖此時開鳴磬夕陽盡卷簾秋色
來名香連竹徑清楚出花臺身在心無住他方到
幾回

送壽州陳錄事

壽陽南渡口欽笏見諸侯五兩楚雲暮千家淮水
秋開簾對芳草送客上春洲請問山中桂王孫幾
度遊

送趙陸司兵歸使幕

客路青蕪遍開城白日低身趨雙節近名共五雲

齊遠水公田上春山郡舍西無因得攜手東望轉
悽悽

送蔣員外端公歸淮南

淮南芳草色日夕引歸船御史王元貺郎官顧彥
先光風千日暖寒食百花燃惆悵佳期近澄江與
暮天

題慈仁寺竹院

千峰對古寺何異到西林幽磬蟬聲下閒牕竹翠
陰詩人謝客興法侶遠公心寂寂爐烟裏香花欲

暮深

贈鄆州馬使君

東方千萬騎出望使君時暮雪行看盡春城到暮
遲路人趨墨幘官柳度青絲他日鈴齋內知君亦
賦詩

送張丞歸使幕

獨受主恩歸當朝似者稀玉壺分御酒金殿賜春
衣拂席流鸞醉鳴鞭駿馬肥滿臺簪白筆捧手戀
清暉

贈長洲何主簿

掛席逐歸流，依依望虎丘。
殘春過楚縣，夜雨宿吳州。
野寺吟詩入，溪橋折筍游。
到官無一事，清靜有諸侯。

送崔過歸淄青幕府

平陵車馬客，海上見旌旗。
舊驛千山下，殘花一路時。
春衣過水冷，暮雨出關遲。
莫道青州客，迢迢在夢思。

田倉曹東亭夏夜飲得春字

薛公門下人，公子又相親。
玉佩迎初夜，金壺醉老春。
葛衣香有露，羅幕靜無塵。
更羨風流外，文章是一秦。

贈王逖

端隨事龍樓，思閒輒告休。
新調赭白馬，暫試黑貂裘。
珠履迎佳客，金錢與莫愁。
座中豪貴滿，誰道不風流。

送深州吳司馬歸使幕

東門送遠客，車馬正紛紛。
舊識張京兆，新隨劉領

軍行。驄看暮雨歸。鴈踏青雲一去。藜臺北。佳聲幾日聞。

華亭夜宴庾侍御宅

世故他年別。心期此夜同。千峰孤燭外。片雨一更中。酒客逢山簡。詩人得謝公。自憐驅匹馬。拂曙向關東。

送客之上谷

地客悲秋色。田園憶去來。披衣朝易水。匹馬夕燕臺。風剪荷衣碎。霜迎栗罅開。賞心知不淺。累月故

人杯

同中書劉舍人題青龍上方

西掖歸來後。東林靜者期。遠峰春雪裏。寒竹暮天時。笑說金人偈。閒聽寶月詩。更憐茶興在。好出下方遲。

宴吳王宅

玉管簫聲合。金盆酒色殷。聽歌吳季札。縱飲漢中山。稱壽爭離席。留歡輒上關。莫言辭客醉。猶得曳裙還。

題薦福寺衝嶽疎師房

春城乞食還高論。此中間僧臘階前樹。禪心江上山。疎簾看雪卷深戶。映花關晚送門人出。鍾聲杳
靄間。

送戴迪赴鳳翔幕府

青春帶文綬。去事魏征西。上路金羈出。中人玉筍
齊。當歌酒萬斛。看獵馬千蹄。自有從軍樂。何須愁
解攜。

送郢州郎使君

千人插羽迎。知是范安城。暮雪楚山冷。春江漢水
清。紅鮮供客飯。翠竹引舟行。一別何時見。相思芳
草生。

送李中丞赴辰州

白羽逐青絲。翩翩南下時。巴人迎道路。蠻帥引旌
旗。暮雨山開少。秋江葉落遲。功成益地日。應見竹
郎祠。

送劉侍御赴陝州

金羈映驪驪。後騎佩干將。把酒春城晚。鳴鞭曉路

長帶冰新溜。澁間雪早梅。香明日懷賢。處處依依御
史牀。

李申丞宅夜宴送丘侍御赴江東

積雪臨階夜重裘。對酒時中丞違沈約。才子送丘
遲。一路三江上。孤舟萬里期。辰州佳興在他日。寄
新詩。

送李侍御歸宣州使幕

春草東江外。翩翩北路歸。官齊魏公子。身逐謝玄
暉。山色隨行騎。鶯聲傍客衣。主人池上酌。攜手暮

花飛。

東城水亭宴李侍御史副使

東門留客處。沽酒用錢刀。秋水牀下急。斜暉林外
高。金羈絡驥。裏玉匣閉豪曹。去日隨戎幕。東風見
伯勞。

送祕書謝監赴江西使幕

謝監憶山程。辭家萬里行。寒衣傍楚色。孤枕宿潮
聲。小寇不足問。新詩應漸清。府公相待日。引旆出
江城。

送江陵元司錄

新領州從事曾爲朝大夫江城竹使待山路橘官
扶片雨三江道殘秋五葉湖熊令詩思好楚色與
寒蕪

送李舍人攜家歸江東覲省

二十青宮吏成名似者稀承顏陸郎去攜手謝娘
歸夜月回孤燭秋風試夾衣扁舟楚水上來往速
如飛

送劉侍御赴令公行營

東城躍紫騮西路大刀頭上客劉公幹元戎郭細
侯一軍偏許國百戰又防秋請問蕭關道胡塵早
晚收

送蘇州姚長史

江城驛路長烟樹過雲陽舟領青絲纜人歌白玉
郎葛衣行柳翠花簾宿荷香別有心期處湖山滿
訟堂

送金華王明府

縣舍江雲裏心閒境又偏家貧陶令酒月俸沈郎

錢黃藥香山路青，楓暮雨天時聞引車騎竹外尚
銅泉

送田舍曹汴州覲省

拜慶承天寵，朝來辭漢宮。玉杯分湛露，金勒借追
風。古驛秋山下，平蕪暮雨中。翩翩魏公子，人看渡
關東

送張渚赴越州

白面誰家郎，青驪照地光。桃花開綬色，蘇合借衣
香。暮雪連峰近，春江海市長。風流似張緒，別後見

垂楊

奉和元相公家園卽事寄王相公

共列中台貴，能齊物外心。回車青閣晚，解帶碧茸
深。寒水分畦入，晴花度竹尋。題詩更相憶，一字重
千金

送道士姪歸池陽

銀角桃枝杖，東門贈別初。幽州尋馬客，灞崖送驢
車。野飯秋山靜，行衣落照餘。燕南群從少，此去意
何如

送營城李少府

懷祿兼就養更懷趨府心晴山東里近春水北門
深新綬映芳草舊家依遠林還乘鄭小駟躑躅縣
城陰

魯中送魯使君歸鄭州

城中金絡騎出餞沈東陽九月寒露白六關秋草
黃齊謳聽處妙魯酒把來香醉後着鞭去梅山道
路長

送夏侯校書歸上都

後輩傳佳句高流愛美名青春事賀監黃卷問張
生暮雪重裘醉寒山疋馬行此回將詣闕幾日諫
書成

送李明府赴連州

萬里回南湖孤舟入桂陽諸侯近上客小吏拜官
郎春報檀花細初筵木樨芳看承雨露速不待荔
枝香

送盧大理趙侍御祭東嶽兼寄孟兗州

東嶽昔有事兩臣朝望歸驛亭開歲酒齋舍看新

衣上客鍾大理主人陶武威仍隨御史馬山路滿
光輝

送皇甫大夫赴浙東

舟師分水國漢將領秦官麾下同心吏軍中

端吳門秋露濕楚驛暮天寒豪貴東山去風流勝
謝安

送韋秀才

東人相見罷秋草獨歸時幾日孫弘閣當年謝眺
詩寒山葉落早多雨路行遲好憶金門步功名自

有期

五言排律

家兄自山南罷歸獻詩叙事

時輩已爭先吾君未着鞭空嗟鑷鬚日獨是屈腰
年不以殊方遠仍論賞地偏襄橙隨客路漢竹引
歸船雲木巴東峽林中峴北川池餘騎馬處宅是
卧龍邊夜簟千峯月朝牕萬井烟朱荷江女院青
稻楚人田縣舍多瀟灑城樓得醉眠黃苞柑正熟
紅縷鱠仍鮮坐厭牽絲倦因從解綬旋初辭五斗

米唯奉一囊錢。室愛生虛白。書耽守太玄。櫪中嘶
款段。階下引潺湲。落照淵明柳。春風叔夜絃。絳紗
儒客帳。丹訣羽人篇。雅論承安石。新詩與惠連。興
清湖見底。襟豁霧開天。魏闕心猶繫。周才道豈捐。
一丘自無逸。三府會招賢。

寄贈號州張參軍

三十事諸侯。賢豪冠北州。桃花迎駿馬。蘇合染輕
裘。觀妓將軍第。題詩關尹樓。青林朝送客。綠嶼晚
回舟。好粟分通子。名香贈莫愁。洗杯新酒熟。把燭

故人留百雉。歸雲過千峰。宿雨收蒹葭。露下晚菡
萏。菖水中秋憶。昨陪行樂常。時接獻酬佳。前雖霧散
惠。問亦川流開。卷醒堪解含。毫思苦拙。無因達情
意。西望日悠悠。

奉送王相公赴幽州

黃閣開帷幄。丹墀侍冕旒。位高湯左相。權總漢諸
侯。不改周南化。仍分趙北憂。雙旌過易水。千騎入
幽州。塞草連天暮。邊聲動地秋。無因隨遠道。結束
佩吳鉤。

送李中丞赴商州

五馬渭橋東，連嘶逐曉風。當年紫髯將，他日黑頭公。不異金吾寵，兼齊玉帳雄。關營春雪下，吹角暮山空。香麝松陰裏，寒猿黛色中。郡齋多賞事，好與故人同。

七言律

送客一歸襄陽二歸潯陽

南驅匹馬會心期，東望扁舟愜夢思。斗山前春色早，香爐峰頂暮煙時。空林欲訪新居士，古寺應

懷遠法師。兩地由來堪取興，三賢他日幸留詩。

送故人赴江陵尋庾牧

主人持節拜荊州，走馬應從一路遊。斑竹岡連山雨暗，枇杷門向楚天秋。佳期笑把齋中酒，遠意閒登城上樓。文體此時看又別，吾知小庾甚風流。

送客水路歸陝

相風竿影曉來斜，渭水東流去不賒。枕上未醒秦地酒，舟前已見陝人家。春橋楊柳應齊葉，古縣棠梨也作花。好是吾賢佳賞地，行逢二月會連沙。

送丹陽劉太真

長干道上落花朝。羨爾當年賞事饒。下筋已憐鵝
炙美。開籠不奈鴨媒嬌。春衣晚入青楊巷。細馬初
過皂莢橋。相訪不辭千里遠。西風好借木蘭橈。

送客歸江州

東歸復得采真遊。江水迎君日夜流。客舍不離青
雀舫。人家舊在白鷗洲。風吹山帶遙知雨。露濕荷
裳已報秋。聞道泉明居址近。藍輿相訪會淹留。

題張逸人園林

藏頭不復見時人。愛此雲山奉養真。露色點衣孤
嶼曉。花枝妨帽小園春。時攜幼稚諸峰上。閒濯眉
鬚一水濱。興罷歸來還對酌。茅簷掛着紫荷巾。

送劉將軍

明光細甲照 鍛昨日承恩拜虎牙。膽大欲期姜
伯約。功多不讓李輕車。青巾校尉遙相許。墨鞞將
軍大莫誇。闕下來時親伏奏。胡塵未盡不爲家。

送鄭員外

風流不減杜陵時。五十爲郎未是遲。孺子亦知名

下士樂人爭唱卷中詩。身齊吏部還多醉。心顧尚書自有期。要路眼看知已在。不應窮巷久低眉。

題張逸人園林

花源一曲映茅堂。清論閒階坐夕陽。麈尾手中毛已脫。蟹螯樽上味初香。春深黃口傳窺樹。雨後青苔散點墻。更道小山宜助賞。呼兒舒簟醉巖芳。

寄徐州鄭使君

江城五馬楚雲邊。不羨雍容畫省年。才子舊稱何水部。使君還繼謝臨川。射堂草遍收殘雨。官路人

稀對夕天。雖卧郡齋千里隔。與君同見月初圓。

送襄垣王君歸南陽別墅

都門霽後不飛塵。草色萋萋滿路春。雙兔坡東千室吏。三鴉水上一歸人。愁眠客舍衣香滿。走渡河橋馬汗新。少婦北來多遠望。應知嚙子上羅巾。

送王誕勃海使赴李太上行營

少年結客散黃金。中歲連兵掃綠林。勃海名王曾折首。漢家諸將盡傾心。行人去指徐州近。飲馬回看泗水深。喜見明時鍾太尉。功名一似舊淮陰。

送王少府歸杭州

歸州一路轉青蘋。更欲隨潮向富春。吳郡陸機稱
地主。錢塘蘇小是鄉親。芻花滿地能消酒。梔子同
心好贈人。早晚重過魚浦宿。遙憐佳句篋中新。

贈王隨

青雲自致晚應遙。夫邸新昏樂事饒。飲罷更憐雙
袖舞。試來偏愛五花驕。帳裏爐香春夢曉。堂前燭
影早。更朝更說毬場新。雨歇王孫今日定相邀。

題仙遊觀

仙臺下見五城樓。風物淒淒宿雨收。山色遙憐秦
樹晚。磴聲近報漢宮秋。踈松影落空壇靜。細草香
閒小洞幽。何用別尋方外去。人間亦自有丹丘。

訪王起居不遇留贈

雙龍闕下拜恩初。天子令君注起居。載筆已齊周
右史。論詩更事謝中書。行聞漏滴隨金仗。入對爐
烟侍玉除。賀客自知來獨晚。青驪不見意如何。

送劉評事赴廣州使幕

征南官屬似君稀。才子當今劉孝威。蠻府參軍趨

傳舍交州刺史拜行衣前臨瘴海無人過却望衡陽少鴈飛爲報蒼梧雲影道明年早送客帆歸

送冷朝陽還上元

青絲紵引木蘭船名遂身歸拜慶年落日澄江烏榜外秋風踈柳白門前橋通小市家林近山帶平湖野寺連別後依依寒食裏共君攜手在東田

送高別駕歸汴州

信陵門下識君偏駿馬輕裘正少年寒雨送歸千里外東風沉醉百花前身隨玉帳心應愜官佐銅

符勢又全久客未知何計是參差去借汶陽田

送康洗馬歸滑州

腰佩雕弓漢射聲東歸銜命見雙旌青絲玉勒康侯馬孟水金隄滑伯城臘雪夜看宜縱酒寒蕪晝獵不妨行懷君又隔千山遠別後春風百草生

寄上田僕射

家封薛縣異諸田報主榮親義兩全僕射臨戎謝安石大夫持憲杜延年金裝晝出羅千騎玉案晨餐直萬錢應念一身留闕下闔門遙寄魯西偏

送王光輔歸青州兼寄儲侍郎

幾回奏事建章宮，聖主偏知漢將功。
身著紫衣趨闕下，口銜丹詔出關東。
蟬聲驛路秋山裏，草色河橋落照中。
遠憶故人滄海別，當年好躍五花驄。

宴楊駙馬山池

垂楊拂岸草茸茸，繡戶簾前花影重。
鱸下玉盤金縷細，酒開金甕綠醅濃。
中朝駙馬何平平，南國詞人陸士龍。
落日泛舟同醉處，回潭百丈映千峰。

送長史李少府入蜀

行行獨出故關遲，南望千山無盡期。
見舞巴童應暫笑，聞歌蜀道又堪悲。
孤城晚閉清江上，匹馬寒嘶白露時。
別後此心君自見，山中何事不相思。

送端州馮使君

白晳風流似有鬚，一門豪貴領蒼梧。
三峰亭暗橘邊宿，八桂林香節下趨。
玉樹羣兒爭翠羽，金盤少妾揀明珠。
懷君樂事不可見，驥馬翩翩新虎符。

送王府張參軍附學及第東歸

鄰家不識鬪鷄翁，閉戶能齊隱者風。
顧步曾爲小

山客成名因事大江公。一身千里寒蕪上。單馬重
裘臘月中。寂寂故園行。見在暮天殘雪洛城東。

送齊明府赴東陽

綠絲帆。桂爲檣。過盡淮山楚水長。萬里移家背
春穀。一官行府向東陽。風流好愛杯中物。豪蕩仍
欺陌上郎。別後心期如在眼。猿聲烟色樹蒼蒼。

魯中送從事歸滎陽

故園衰草帶滎波。歲晚知如君思何。輕橐歸時魯
縞滿。寒衣縫處鄭綿多。萬人都督鳴騶送。百里邦

君枉騎過累路。盡逢知己在曾無。對酒不高歌。

送李明府使蘇州便赴告期

莫言水國去迢迢。白馬吳門見不遙。楓樹林中經
楚雨。木蘭舟上蹋江潮。空山古寺千年石。草色寒
隄百尺橋。早晚盧家蘭室外。珊瑚玉佩徹清霄。

送田明府歸終南別業

故園此日多心賞。窓下泉流竹外雲。近館應逢沈
道士。比鄰自識下田君。離宮樹影登山見。上苑鐘
聲過雪聞。相勸早移丹鳳闕。不須常戀白鷗羣。

五言絕句

漢宮曲二首

駿馬繡障泥。紅塵撲四蹄。歸時何太晚。日照杏花西。

繡幕珊瑚鈞。春關翡翠樓。深情不肯道。嬌倚鈿篋篋。

陪孟都督祭嶽途中有贈

封疆七百里。祿秩二千石。擁節祠太山。寒天霜草白。

六言

宿甌山

山中今夜何人。門下當年近臣。青瑣應須早去。白雲何用相親。

別甌山

一身趨侍丹墀。西路翩翩去時。惆悵青山綠水。何年更是來期。

送陳明府赴淮南

年華近過清明。落日微風送行。黃鶯綿蠻芳樹。紫

騶躐蹀東城。花開一杯促膝。烟外千里含情。應渡淮南信宿。諸侯擁旆相迎。

七言絕句

送客知鄂州

江口千家帶楚雲。江花亂點雪紛紛。春風落日誰相見。青翰舟中有鄂君。

寒食

春城無處不飛花。寒食東風御柳斜。日暮漢宮傳蠟燭。青烟散入五侯家。

羽林騎

駿馬牽來御柳中。鳴鞭欲向渭橋東。紅蹄亂踏春城雪。花領驕嘶上苑風。

看調馬

鴛鴦赭白齒新齊。晚日花中散碧蹄。玉勒斗回初噴沫。金鞭欲下不成嘶。

寄贈衡州楊使君

湘竹斑斑湘水春。衡陽太守虎符新。朝來笑向歸鴻道。早晚南飛見主人。

宿石邑山中

浮雲不共此山齊。山靄蒼蒼望轉迷。曉月暫飛高
樹裏。秋河隔在數峰西。

江南曲

長樂花枝雨點銷。江城日暮好相邀。春樓不閉歲
蕤鎖。綠水回連宛轉橋。

贈張千牛

蓬萊闕下是天家。上路新回白鼻騮。急管晝催平
樂酒。春衣夜宿杜陵花。

漢宮曲

五柞宮中過臘看。萬年枝上雪花殘。綺窓夜閉玉
堂靜。素綆朝穿金井寒。

贈李翼

王孫別舍擁朱輪。不羨空名樂此身。門外碧潭春
洗馬。樓前紅燭夜迎人。

漢宮曲

漢室長陵小市中。珠簾繡戶對春風。君王昨日移
仙仗。玉輦將迎入漢宮。

少年行

千點爛。爛玉勒驄。青絲結尾繡。纏驥揮鞭晚出章臺路。葉葉春衣楊柳風。

題玉真觀李秘書院

白雲斜日影深松。玉宇瑤壇知幾重。把酒題詩人散後。華陽洞裏有疎鍾。

送客之潞府

官柳青青匹馬嘶。迴風暮雨入銅鞮。佳期別在春山裏。應是人參五葉齊。

送客泛五溪

南過猿聲一逐臣。回看秋草淚沾巾。寒天暮雪空山裏。幾處蠻家是主人。

送齊山人歸長白山

舊事山人白兔公。掉頭歸去又乘風。柴門流水依然在。一路寒花萬木中。

寄裴鄆州

烏紗靈壽對秋風。悵望浮雲濟水東。官樹陰陰鈴閣暮。州人轉憶白頭翁。

君平
雜言

河上寄故人

河流曉天濶水清烟日暖
昆吾臺上春深顓頊城
邊鶯聲亂凋鴻
花片細點龍泉西望
情人早至
猶應得醉芳年

雲陽姜道生重生父校刊

姜志琳明生父全校

君平詩集

終

